



x

OP

M. I.  
agell  
r

In

2598 *Provo*



QVÆSTIO  
DE  
OPTIMA REIP. FORMA  
Ab Aristotele definita.

A

M. IACOBO PIOTROWICKI, Contubernij  
agelloniani Seniore, ad disputandum in Al-  
ma Academia Crac. 28. Julij. Hora 9.  
proposita.



CRACOVIAE.

In Officina Typogr. Matthiae Andreouienſis,  
Anno Domini 1626.



# IN STEMMA.



FALLOR AN AETIACI EST CAPUT HOC SUBLIME, NICONIS  
 AN MARIO, VITÆ QUOD DEDIT AUGURIUM?  
 QUICQUID ID EST CERTÈ PRÆNOBILE STEMMA PUTANDUM.  
 QUOD DUCIBUS LATIJS OMINA FAUSTA DEDIT.

BIBLIOTHECA  
 VNIV. IAGELL.  
 CRACOVIANIS

Martianus

Gutteter

Plawowski.

157301



*Illustrissimo ac Magnifico Domino,*  
**D. NICOLAO LIGĘZA**  
**DE BOBREK,**

Castellano Sendomirien. Bieceń.  
Ropcicen. Capit. &c. D. & Patrono suo.

**S** Tadium Politicum à maioribus mihi assignatum,  
præeunte Aris Totele in Academia confeci Illu-  
strissime Domine, ac ne inamænus labor vider-  
etur, flores in cursu decerptos, Artis venustate concinnatos  
ad augustissimum familiæ Tuæ templum, virtutum Tuarum  
amplitudinem veneraturus apporto. Magno Senatori, Summi  
Philosophi, formam & speciem optimæ civitatis, haud dispari in-  
dustria ex ducentis quinquaginta ut fertur, non ignobilibus pos-  
sitis, quam Zeuxis Helenam, ex præstantissimis quibusq[ue]  
formis expressam. Quid prohibet eam doc trinam publico obla-  
tam certamini, à benigno virtutum Tuarum publicarum numine  
patrocinium querere: Cum in aciem descendentes Imperatores



etiam Martē suū ut aduigilaret, precibus sciam fatigasse. In  
hoc itaq; primo ad Te aditu insolenti luce quæ ab honestatis  
Tuæ Sole proicitur percellor: ac nisi vitales isti radij à bene-  
fico Sydere deriuarentur, imbecillitatem confirmarent. Vt au-  
tem me colligo non ipsis penetralibus lucem hanc coerceri contu-  
eor, quæ à venerando pectoris Tui sacrario effusa vniuersa Po-  
loniæ angulos illustrat. Suū enim Te Ecclesia propugnatores,  
religio defensorem, patria ciuem, regia Senatorem, acies Ducē,  
Curia indicē, Canobia, pauperumq; alia receptacula Patrem  
et se vendicant. Gloriosum fuit Romanis omnium Deorū simu-  
lachra vno fano conclusisse: gloriosius multò Te penè diuinum v-  
niuersi animo tot ac tantarum virtutū magnitudinem varietatemq;  
contineri. Esto innumeris gentis Tuæ imaginib; atria splende-  
ant, ex quibus non parua in Te redudat gloria, dicam quod sen-  
tio plus illis splendoris attulisti quam ab illis accepisti. Imò si  
non usq; hōes tū radicibus, quas orbis nos ter suspicit, vetustis-  
sima gens Tua niteretur: profecto amplissima Tua in patriam  
merita, eandem confirmassent ac immortalitati consecrassent.

Quia



Quis enim his temporibus impius in patriam nostram armauit  
hostis manus, cuius ferrum Tua, Tuarumq<sup>3</sup> copiarum virtus  
non retunderet? Ecquod unquam tam turbulentū aut formidolo  
sum tēpus extitit, in quo Tua in Principem fides contremisce  
ret? quæ comitia, qui conuentus ciuium, quo Sententias Tuas  
grauis Sumas prudentis Sumasq<sup>3</sup> constans sapientiæ, grauitatis,  
magnitudinisq<sup>3</sup> animi opinio non est subsecuta?  
Ac nimirum popularem hanc gloriam cum omnes admirentur,  
fontem ex quo profluat, ignorant multi. Eruditiores diuinam  
ingenij Tui vim, magnarum variarumq<sup>3</sup> artium cognitione  
completum: pectus agnoscunt: putantq<sup>3</sup> hoc esse quod ani  
mum Tuum in asperis roborat, in prosperis accendit, et quic  
quid animo, lingua, manu admirabile est, in theatrum laudis  
producit. Hic verò me in palæstram Politicam properan  
tem publica magnificentiae Tuæ trophæa ad se rapiunt, cuius  
afflicta Russia, ex fluctibus Tartarorum in Rzesouien  
arcem opibus Tuis munitissimam ac ornatissimam tanquam in  
portum delata solidos fructus percipit. Stat ex aduerso ab  
A 3 terum



terum pro fidei Orthodoxæ integritate tuenda, insigni Tua  
munificentia excitatum propugnaculum, fortissimis veteranis  
sub signis S. Francisci merentibus, munitum ac firmatum.  
Laudanda me hercule, T. tantò Ægyptiarum Pyramis  
dum molibus anteponenda monumenta, quantò fructuosius est  
animum aut corpus in libertatem adserere, quam opulentiam  
barbaricam stultè os tentare. Itaq; si bonus ille Geometres in  
ignotæ regionis littore radios lineasq; Mathematicorū conspi-  
catus, magnam spem fortune concepit: an non certissimū mihi inter  
has laudum Tuarū aras ad bene sperandum signum sublatum?  
Quas ego illud Triores pro voto meo exiliter quidē, res enim est  
fortunatioris ingenij, at deuotè veneratus Heros Illud Tris-  
sime in augustissimo earū sinu conquiescere efflagito, easdemq;  
Ecclesiæ, patriæ ac Academiæ nostræ aternū florere peropto.  
Ex Contubernio Iagelloniano. 10. Calend: Iulij Anno Do-  
mini, 1626.

Illustriss: D. T.

deditissimus

M. Iacobus Piotrowicki.



## Q V Æ S T I O.

V. Ciuitatis cuius principia, causas, & attributa Aristoteles in Politicis inuestigat: species illa quæ vitam honestè & laudabiliter in ordine & ad se & ad alium instituendam, ceu finem supremum respicit, sit censenda omnium optima necne?

### C O N C L U S I O I.

Multitudo vicorum seu pagorum est remota materia ciuitatis.

### C O R O L L A R I A.

1. *Scientiæ Civilis adequatum obiectum est societas hominum ad rectè viuendum constituta, ciuitas nuncupata.*

2. *Societas præfata intra se colibet societates domus*  
et pagi.



¶ *pagi seu vici.*

3. *Ordine temporis societas domus est prior societate pagi, & hæc Ciuitate.*

4. *Ciuitatis origo & consummatio, naturæ in acceptis referenda.*

5. *Rei quærendæ ac retinendæ ratio ad Civilem scientiam pertinet.*

6. *Cognitio disciplinæ priuatæ de moribus ad doctrinam politicam ordinatur.*

7. *Ciuitas ut societatibus minoribus, ita doctrina de moribus, ac vita Oeconomica est perfectione prior.*

## CONCLUSIO II.

Ex Ciuibus qui iudicij, Cōsiliij ac Magistratus facultate definiuntur, proximè & immediatè Ciuitas componitur.

### COROLLARIA.

1. *Pro Politiarum differentia, alij magis minus alij trium harum conditionum ciuis participes sunt, ac proinde analogicè ciues.*

2. *Communio ciuitatis, fori ac iudiciorum simpliciter ciuem, non constituit: prout ex utroq; parente ciue nasci accidentale est.*

3. *Senes, Pueri, exules, aut aliqua ignominia notati non*



ti non verè appellantur ciues: Opifices verò non nisi in  
Democratia & Oligarchia.

4. Vnius cuiusq; ciuis eadem est quæ totius ciuita-  
tis felicitas.

5. Vir bonus à ciue bono simpliciter distinguitur:  
nisi quod ubi virtuti defertur principatus, eadem est  
boni ciuis & boni viri virtus.

6. Mutante Repub. in numerum ciuium cooptati,  
ciues sunt.

7. Ciuis boni præstantia in facultate imperandi &  
parendi cernitur.

### CONCLUSIO III.

Summæ ciuitatis partes circa quas versatur  
sunt consultationes, magistratus & iudicia.

#### COROLLARIA.

1. Summa rerum deliberandarum capita sunt bel-  
lum & pax, societates & fœdera, leges, ius vitæ & ne-  
cis, animaduersio, ratio repetundarû: quæ vel omnia  
omnibus, vel omnia quibusdam, vel quædam omni-  
bus aut quibusdam permittuntur.

2. Legum autoritas sine quibus nulla est Polytia,  
non aspernatur magistratus consortium: in quibus  
condēdis & locus & vicini spectandi, neq; vnus tan-



tum ordinis sed communis utilitatis habenda ratio.

3. Ut in supplendis legum defectibus plurimum requiritur prudentia: ita in iisdem abrogandis (quod non temere faciendum est) diligenter circumspiciendum an omnes, & in omni Repub: mutandæ, & an à quolibet, an à quibusdam, tum à quibus.

4. Magistratus est qui ius consultandi, iudicandi, & maxime imperandi habet: cuius distribuendi vera mensura non est libertas, non diuitiæ, sed virtus.

5. In conferendis Magistratibus, amor, scientia, ac virtus Reip accomodata spectanda: alicuius tamen horum trium defectu illud quod in plerisque; sit rarius, non quod frequentius præponderabit.

6. Magistratuum magna est in ciuitatibus varietas: Plures tamen ad unum in magnis ciuitatibus deferre (cum minorum utilitas aliud efflagitet) non est tutum, perpetuos verò velle habere, periculosum.

7. Iudicium amplissimum est in ciuitate campus, qui pro Rerump. ingenio vel ex omnibus, vel ex quibusdā, vel ex utrisque idque aut sorte aut suffragio eligitur.

## CONCLUSIO IV.

Formæ Rerump Rectæ sunt tres Regnum, Aristocratia, & Polytia: totidem vitiosæ, illisque oppositæ, Tyrannis, Oligarchia & Democrazia.

CO-

## COROLLARIA.

1. Respub. est ordo ciuitatis & descriptio omnium magistratuum, præcipue tamen eius cuius auctoritate Resp. geritur.

2. Subditorum commodis velificari, euident est bonæ Polytiæ signum: ut contra fortunas proprias augere, vitiosa.

3. Varia hominum pro diuersitate locorum ac regionum ingenia, unam eandemq; imperij formam, non patiuntur.

4. Regnum est vnius principatus ob præstantiam vel generis, vel virtutis, vel summa in Remp. merita vltro alicui delatus. Tyrannus vnus paribus & melioribus ijsq; inuitis sui commodi causa impetit, nulloq; referendarum rationum iuditio tenetur.

5. Aristocratia est paucorum virtute excellentium imperium: Oligarchia paucorum diuitum. Quæ si vltra virtutem aut diuitias spectant aliquid aliud, mixtas formas constituunt.

6. Democratia est pauperum libertatem spectantium dominatus. Polytia verò est quædã Oligarchiæ & Democratiæ permixtio.

7. Ut inter rectas Respub. ea cui virtus est propo-  
posita dicitur optima: ita inter vitiosas omnium deter-  
rima tyrānis, minimè mala Democratia, Oligarchia-  
media.



## CONCLUSIO V.

Respub. vel ab externis, vel ab internis causis mutatur & intereunt: sed quibus causis mutantur, contrarijs solent conseruari.

### COROLLARIA.

1. Mutari aio Rēpub. vel cum ciuitatis status simpliciter, vel intensior in remissionem, & contra, mutatur: vel si magistratus immutantur, & nouis institutis veteres abrogantur.

2. Respub. in contrarias formas mutari non est perpetuum, cum etiam in sui generis, intensiores scilicet in remissiones conuersas legamus.

3. Non numerus Platonicus sed iniqua de aequalitate Geometrica, cuius in Rep: summa ratio est habenda, persuasio dum id quod æquale est secundum quid, simpliciter æquale existimatur, fons est omnium Reip: mutationum.

4. Contumelia, lucrum, honor, vnius ciuis aut ordinis excellentia, metus, vilitas imperantium, negligentia, minimarum transgressionum impunitas, magistratuum conniuentia, dissimilitudo tum loci, tum nationis Ciuitates præcipue euertunt.

5. Oligarchia specialiter mutatur vel propter paucorum principum iniuriam in plebem: vel ipsorum

rum principum inter se dissensionem. Aristocratia autē paucitate magistratus gerentium, inopia, unius excellentia, & mala iuris seu æqualitatis permixtione: quod ipsum etiam Polytiā pessundat.

6. Monarchiæ commouentur iniuria seu contumelia, metu, contemptu, auaritia principum, & gloriæ ex cæde principum cupiditate.

7. Conseruant ciuitates, minimarum legum obseruantia, facilitas imperantium, metus ingruentium periculorum & sollicitudo, dissidentium ciuium, coercitio, Magistratum lenta & inter multos distributio, eorumq; abstinencia, morum censura, singulorum ciuium & ordinum symetria, mutuaq; imperantium & parentium beneuolentia & amor.

## CONCLUSIO VI.

Species illa ciuitatis quæ vitam honestè & laudabiliter in ordine & ad se & ad aliū instituendam ceu finem supremum respicit omnium optima est censenda.

## COROLLARIA.

1. Fælicitas ciuitatis, ex fælicitate ciuium pendens ex duplicium virtutum actione consurgit.

2. Respub: ad belli studia solū ordinatæ, vitiosæ habendæ.

3. Ad



3. *Ad componendam optimam ciuitatem soli ciues optimi & secundū virtutem operantes apti sunt, quod assequuntur naturā, consuetudine & ratione.*

4. *Institutio ciuiū optimæ ciuitatis formæ accommodata à corpore sumat exordium, hinc ab appetitu ad rationem excolendam fiat progressio.*

5. *Pars animæ inferior tum pacis, tum belli virtutibus imbuenda, superior autem variarum scientiarum cognitione.*

6. *Salua ætatis prærogatiua ciues vicissim imperare & parere debent in beata ciuitate.*

7. *Ciuitatis magnitudo non multitudine accolarum, sed rerum necessariarum copia & notitia ciuium inter se definienda: vrbesq; eius ad mare vel flumen expositæ, bello & paci accommodatæ, muris denique turribus & propugnaculis distinctis sint munitæ.*

Excellentissimo ac Doctissimo Viro,  
**D. IACOBO PIOTROWICKI,**  
Artium & Philosophiæ Doctori ad S. Spiritus  
Præposito Biecenſi, Seniori Contubernij Ia-  
gielloniani in certamen Philoſophicum  
prodeunti.

*M. GREGORIUS GOLINSKI, amoris ergo Pa-  
ana Embaterium occinit.*

**P**Ande Mineræos benè conſcia ſigna per agros  
Conſictusque nouos genio propone Sophorum.  
Docte PIOTROWICKI Muſarum magna voluptas  
Auspicijs procede bonis procede ſecundis  
Ominibus, celſos auſus decorande trophæo  
Ne dubita veniet laudatis prodroma cæptis  
Auxilio, Pallas, cerebro prognata Tonantis  
Ægide non fruſtra priſci finxere Pòetæ  
Munitam, croceas præcingere Caſſide criſtas  
Et totum circum chalybæo ſymmate corpus  
Vallatum: quoniam aduerſis ſuccumbere telis.  
Ignorat ne Brontæo ſuperanda tumultu  
Enceladus vel quem telorum grandinat imbre,  
Non equidem primùm veſtigia credere campo  
Incipis, aut primo diſtringere ſpicula neruo  
Aspiras, toties Clarius cui plauiſit Apollo.

Cer-



Certanti, & viridi præcinxit tempora lauro;  
Nunc quoque laurigeras fas est sperare coronas,  
Palladios cum sic pergas animosus in agros  
Marmaricos etiam potis expectare Leones  
Fultus Aristotelis generosum tegmine pectus.



Permissu Admodum R<sup>di</sup> & Magnifici Do-  
mini, D. IACOBI NAYMANOWIC I. V. D.  
& Professoris, Canonici Crac. Archidiaconi  
Pilecen. Vniuersitatis Crac: Generalis  
Rectoris.



XXIV. 5. 116

Biblioteka Jagiellońska



stdr0017186



